



Broj: **02-02-2-628/26**
Sarajevo, **07.05.2026.**

N/p - Direktora

PREDMET: Poziv bh. firmama za učešće na međunarodnim poslovnim susretima u okviru sajma GITEX AI EUROPE 2026, Berlin, Njemačka

Poštovani,

Vanjskotrgovinska/Spoljnotrgovinska komora Bosne i Hercegovine, uz podršku BIT Alijanse, koja je ujedno i organizator nacionalnog paviljona na sajmu GITEX AI EUROPE 2026, poziva bh. kompanije da učestvuju na međunarodnim poslovnim susretima **pod nazivom „Matchmaking @GITEX AI EUROPE 2026”, u okviru Evropske preduzetničke mreže.**

Međunarodni poslovni susreti (B2B sastanci) bit će održani u periodu od 30.06. do 03.07.2026. godine u hibridnom formatu (onsite i online), u Berlinu (Njemačka), u okviru sajma GITEX AI EUROPE 2026, na sajmištu Messe Berlin.

Datumi održavanja:

- **30. juni – 1. juli 2026. godine:** međunarodni poslovni susreti (B2B sastanci) održat će se uživo (onsite), od 11:00 do 15:00 sati, u sali 4.2 @ Messe Berlin, Investors Lounge.
- **2.–3. juli 2026. godine:** B2B sastanci će se održati online- **putem B2match platforme.**

Ovi međunarodni poslovni susreti (b2b sastanci) pod nazivom „Matchmaking @GITEX AI EUROPE 2026” omogućit će povezivanje s hiljadama tehnoloških lidera, osnivača, istraživača i inovatora iz Evrope i šire.

Glavni organizator događaja je Berlin Partner – agencija za privredni razvoj i tehnologiju, u saradnji s partnerima iz Brandenburga, dok je Vanjskotrgovinska/Spoljnotrgovinska komora Bosne i Hercegovine suorganizator događaja.

Ovaj događaj predstavlja jedinstvenu priliku za uspostavljanje novih poslovnih kontakata i zaključivanje ugovora.

- Sastanci traju 20 minuta.
- Unaprijed se zakazuju putem platforme.
- Učešće na B2B događaju je besplatno.



Prednosti učešća:

- Umrežavanje (networking)
- Razmjena znanja
- Inspiracija
- Praćenje najnovijih trendova
- Jačanje brenda
- Razvoj karijere
- Pristup ekspertima i liderima industrije
- Istraživanje novih proizvoda i usluga
- Ugodno i dinamično iskustvo

Ključne teme događaja:

- AI i GenAI rješenja
- Cyber sigurnost
- Kvantno računarstvo
- Cloud i data centri
- Big Data
- Industrija 4.0
- HealthTech i Biotech- zdravstvene tehnologije i biotehnologija
- finansijske tehnologije
- zelene tehnologije i klimatske tehnologije
- Pametni gradovi
- Digitalna infrastruktura

Napomena:

Za prisustvo poslovnim sastancima uživo (onsite) potrebna je važeća ulaznica za sajam GITEX AI EUROPE ili status izlagača na sajmu. Minimalno tri potvrđena onsite sastanka omogućavaju besplatan jednodnevni ulaz na događaj.

Sve informacije o B2B susretima, uključujući registraciju za onsite (uživo) i online poslovne sastanke, dostupne su na web stranici: <https://www.b2match.com/e/gitex-2026/components/64060>

Krajnji rok za registraciju je 29.06.2026.

Podsjećanja radi, **GITEX AI EUROPE 2026** je jedan od najznačajnijih evropskih događaja iz oblasti vještačke inteligencije, tehnologije i digitalnih investicija, koji okuplja različite industrije. Sajam će se održati od 30. juna do 1. jula 2026. godine u Berlinu (Njemačka), na sajmištu Messe Berlin.

Dodatno, kompanija iz Bosne i Hercegovine koje žele ostvariti snažnije prisustvo na samom sajmu, omogućeno je i učešće u okviru nacionalnog paviljona Bosne i Hercegovine, u organizaciji BIT Alijanse. Kompanijama je u ovom formatu omogućeno da se predstave kao izlagači na sajmu, a sve informacije dostupne su putem e-maila: contact@bit-alliance.ba.

Pokrenut uz podršku GITEX GLOBAL-a, najvećeg svjetskog događaja za tehnologiju i startupe, GITEX AI EUROPE okuplja evropske pionire u AI industriji, lidere kompanija, napredne startupe, investitore i donosiocel odluka kako bi zajedno oblikovali budućnost vještačke inteligencije u velikim razmjerama i kako bi kompanijama iz cijelog svijeta pružili priliku za umrežavanje i otvaranje novih tržišta.

Kao ključna platforma za digitalnu transformaciju, GITEX AI EUROPE poziva kompanije, mala i srednja preduzeća (SME) i startupe da ubrzaju razvoj novih poslovnih prilika, investicija i partnerstava. U okviru koncepta tehnološkog suvereniteta, događaj povezuje AI, konektivnost, cyber sigurnost, cloud infrastrukturu, kvantne tehnologije i druge ključne tehnologije koje oblikuju digitalnu budućnost Evrope.

Ovo je mjesto gdje se evropski tehnološki ekosistem okuplja s više od:

- 25.000+ tehnoloških i poslovnih lidera
- 1.400+ globalnih kompanija i startupa
- 600+ investitora i venture capital fondova
- 200+ globalnih govornika iz preko 100 zemalja

Tokom sajma će se održati i dodatni sadržaji i aktivnosti na istoj lokaciji:

- AI Everything Europe – najnoviji AI primjeri i rješenja
- North Star Europe – startupi i scaleupi koji redefinišu AI ekonomiju
- GISEC Europe – cyber sigurnost i digitalna otpornost vođena AI-jem
- GITEX Quantum Expo – inovacije u deep tech i kvantnim tehnologijama

Tokom dva dana očekuju vas inspirativna keynote predavanja, panel diskusije i brojne networking prilike, gdje će se predstaviti nove tehnologije, formirati strateška partnerstva i razmijeniti ideje.

Kontakt osoba u Vanjskotrgovinskoj/Spoljnotrgovinskoj komori BiH je Mersiha Selmanović, mersiha.selmanovic@komorabih.ba, +387 33 56 62 42.

Srdačan pozdrav,

S poštovanjem,

Enes Ališković,
direktor

